

ԽՄԲԱԳՐՈՒԹԵԱՆ ԿՈՂՄԻՑ

«Արարատի» խմբագրութիւնը ցանկանալով ըստ կարգութեան հետաքրքիր դարձնել ամսագիրը և, որքան թերթի ծաւալը ներուժ է բաւարար նիւթ տալ ընթերցանութեան համար, դիմում է հայ գրագէտներին և ուսուցիչներին խնդրելով նրանց աշխատակցութիւնը:

«Արարատում» բացի կրօնական—բարոյական, յօդուածներից, կարեօր տեղ պիտի յատկացուի նաև մանկավարժական, գրական—բանասիրական ու պատմական յօդուածների և ուսումնասիրութիւնների:

Առանձին ուշադրութիւն պիտի դարձուի ոչ միայն մեր և օտար ազգերի եկեղեցական կեանքին, այլ և հայ կեանքին ընդհանրապէս:

Ստացած գրքերի մասին մատենախօսութիւն գրել կը արուի ձեռնահաս անձերի:

Ցանկալի է, որ ուղարկուած յօդուածները երկար շաբաթնակելի չլինին:

Յօդուածների համար կը արուի վարձատրութիւն կամ դրամով, կամ՝ յօդուածների արտատպութեամբ «Արարատի» դիրքով: Վարձատրութեան չափը կամ արտատպած օրինակների թիւը կորոշէ խմբագրութիւնը, եթէ յօդուածագիրը կողմից որ և է ցանկութիւն չէ յայտնուած վարձատրութեան մասին, յօդուածը չի վարձատրուի: Չեն վարձատրում նաև վեց երեսից պակաս պատահական յօդուածներ, ինչպէս և թղթակցութիւններն ու պատասխանները:

Խմբագրութիւնն ազատ է համարում իրեն՝ յօդուածները կրճատելու, եթէ յօդուածագիրն առաջուց պայման չէ գրել անփոփոխ տպագրելու:

Թարգմանութիւններ ուղարկելիս պէտք է յիշատակել բնագիրը (հեղինակ և լեզու) և, եթէ կարելի է, ուղարկել նաև բնագիրը, որ յետ կը դարձուի ուղարկողին:

Չտպուած փոքր նիւթերը չեն վերադարձոււմ, իսկ մեծ յօդուածները վերադարձոււմ են յօդուածագիրներին հաշուով: Չտպուելիք նիւթերի մասին կը յայտնուի «Արարատում»: